





⁺
IOEL
PROPHETA

SIMONIS SIMONIDÆ, *Professoris Summi. Acad.*

AD

CLEMENTEM VIII.
PONTIFICEM MAXIMUM.



CRACOVIAE,
In Archityp. Regia & Ecclesiastica Lazari,
Anno Dñi, 1593.



4958

CIMELIA

Cim. Qu. 4958

libl. 4958

IOEL PROPHETA

SIMONIS SIMONIDAE,

AD

CLEMENTEM OCTAVVM,
PONTIFICEM MAXIMVM.

P Rinceps supreme, Pastor orbis, et Pater,
Felicitas cùm te admouebat publica,
Mundi gubernis, iura dans summa in manum,
Cælum recludi quæ's solet, quæ's obstrui.
Tum mî, remoto hac frigida quamuis plaga,
Septentrionum cardines ad ultimos,
Non vſitatis gaudiis tamen datum est
Potiri abundè, & splendida spes voluere.
Illud regustantem tuum cor inclytum,
Mentisq; candores, procul fide ancipe,
Pectusq; curis arduum sublimibus.
Quod mî videre tum beato contigit,
Quando, cruenta facta post discordiæ,
Quæ regna nostra, cum propinquis regibus,
Amore sceptri, plus satis commiserat,
Ab urbe vestra, missus huc, salutifer
Pacis sequester, sanciebas fœdem,

A ij

Tutaq;

Tutaq; nos quiete compostos dabas.
Utcunque tandem lusit anceps exitus,
Quò fas nefasq; res trahit mortalium.
Tunc, te mihi affari, & frui conspectibus,
Manumq; concessum est tuam contingere,
Haurireq; oris mel tuum, affatus sacros.
Quam mi venustam duco gloriam unicam.
At nunc, locare quando te virtus tua
Diis proximo sategit vsque culmine,
• Quid me beatius foret? quid promptius?
Quàm pedibus am sanctis tuis adsternier,
Offerre & amplexum, & humile osculum dare.
Non denegaret quippe laudem istam mihi,
Benignitatis illa pulchra copia,
Quæ larga, vestro corde, gaudet conspici.
Adesse sed postquam vetat me, res mea,
Puluinar ad vestrum, vel absenti tamen
Peruellit aurem Musa, gestiens tibi
Se se approbare, nec pudoris, nec memor
Audacis ausus, nec suæ illa infantia.
Amore tantum tuta vestri numinis.
Cui laxam habenam cum semel concessimus,
Amore eodem nempe vestri libem,
Nil non sibi permisit, ipsas aureas
Sedes polorum, semita ardua petens,
Vatumq; magnis se intulit sacnuriis.

Libans

Libans ocellis, abditas imagines,
Quas, post futuris temporum successibus,
Signauit illa, præscia omnium, manus.
Si fortè, congruus quis, ætati, color
Vestræ emineret, candida insignis nota.
Namq; aureum sperauit æuum currere,
Nunc conditum, vestra sub indulgentia.
Gauiſa tandem repperisse, dulcibus
Quieuit orſis, quâ Ioëlis, pagina
Intacta, soluit multiplex os carminum.
Post sæua bella, post tumultus asperos,
Post omnium, omnigenum laborum turbinem,
Tandem serenos, aureos laudans dies.
Cuiusmodi donare tu mundo potes.
Nam, quæ nefanda pestis, aut quis non furor,
Repreſſit orbem ad ultimam metam mali?
Quis porro te placare cælitum minas,
Quæ sola restat ad salutem ianua,
Paratior? uel mente pura instructior?
Magistricæ amicus candidis virtutibus?
Quæſ absque vita se beata non gerit.
Sed me reprendit vsque Musa, amor meus,
Ne vocis humanæ tibi dicta oggeram,
Neu te amplius sermonibus morer meis,
Ipsam Ioëlem ducit auribus tuis,

*Genus Ioëlem Patbuëlis optimi,
Verba adferentem dia, quæ, interpret sacer,
Dictantis hausit, ore sancto, numinis.*

*S*Enum senes, ætate prouectissimi,
Usus magister, longa & exploratio,
Quos æstimatores catos rerum facit,
Adeste, ad auditus trutinam accurrite.
Tum, quicquid vsquam est, quæ patet vastissimus
Telluris orbis, educans hominum genus,
Omnis propages, sæcla gentium omnia,
Adeste, pensate acribus sententiis,
Vimq; aurium, vim mentis omnem aduertite,
Cum pristino, æuum computantes nuperum.
Vnquamne lucis munere hoc spirabili
Florere dum vobis datur, vel patribus
Dum vita vestris sole in hoc resplenduit,
Facinora tanta, tale ad exemplum edita,
Insignibus adeò datum nosse est modis?
Non hic silente lingua opus, non pectore
Obliuioso, sed palàm vocalibus
Animisq;, dictisq; ad renarrandum obuiis.
Narrent parentes filius facta hæc suis.
Narrentq; porro filij nepotibus.
Porro nepotes alteri propagini
Tradant ferendum, ad alteram, atque ad alteram,

Æuoq;

*Æuoq; nullo conticeſcat perpetis
Hæc penna famæ, ſæculis clara omnibus.
Atrox, nefandum carmen éheu ordior.
Expulſa damnis damna, vulnus vulnere,
Succeſſiones duplicatas cladium,
In peius excrescente ſemper augmine.
Eruca, ventri repa, deſes, vermipes,
Florum aucupatrix fœda, labes frondium,
Virentiæ hortorum hoſtis impuriſſima,
Primæuum honorem germinantium abſtulit
Regnorum, & orbis in iuuentam ſeuiit,
Fœdans malignè pacis alma munia.
Non ſola, nec crudelitatis ultimo
Morſu. ſed ipſa poſtquam auanum aluum ſatis
Exercuit, mox ad relictu pabula,
Feruens tumultu, examinum nimboſ rotans,
Aliq; , dentiumq; pollens impete,
Imber locuſtæ, turbine horrendo ingruit.
Exeſor, exſtirpator acer omnium,
Radice, quicquid obuium truncans tenuſ.
Nec ſat. nec iſto fine conſiſtet malum.
Nam quicquid intactum locuſta liquerit,
Procella mox ſuperuolans bruchi aſſeri,
Idem fero inſultu opprimet veſtigium,
Lateq; nuda cuncta paſcendo dabit.
Dum interim tereſdo, peſtis peruicax,*

Propage

Propage verminabit intus subdola,
Tymna fraudulenta, nil non vendicans,
Nil non penigrans inquietis moribus,
Tenax premendo, permeans ad intimam
Succi medullam, cortice exhausto super.
Hæc reliquiarum reliquias pœnè extimas
Absumet, inq; pulverem cines faciet.

O luxu, & vsibus voluptatum ebrj,
Pulli leporum, gens sepulta inertis,
Tempus veterno liberare lumina,
Tempus soporis excutere grauedinem,
Vultumq; fletu, luctibusq; tingere.
Vos qui menacam vitium dulcedinem,
Auidam palati hauritis ad lubentiam,
Modulumq; vitæ, mensam opimam ponitis,
Adest, adest, vlulandi acuta occasio,
Adest gemendi dira vobis formula.
Solamen omne vestri hiantis gutturis,
Lasciuendi omnis redundans copia,
Labri inter ipsa, ab ore vestro euanuit.
O terra, ô hæredium volupe meum,
Tuum beatum uber, tua super culmina,
Gens robore eminens, superba viribus,
Incomprehensa nomine, numeri incapax,
Ascendit. olli dentium serrata vis,
Ut dentium leonis, ast molarium

Modus

*Modus tam iniquus, vt recens ipsos satos
Scymnos leonum excedat abnormi statu.
Florentis olim vineæ excellens decus,
Multa frequentatum manu, multo ordine,
Redegit ad deserta solitudinis,
Vastamq; præstitit, prius cultissimam.
Ficum meam, meos amores vnicos,
Omni decore, vsque ad cutem viuam exiit,
Ademit vsum frondium, hausit corticem,
Spoliumq; raptans futile afflixit solo.
Nunc illa quondam nobilis, quondam virens,
Quondam beata fruge mellitissima,
Præcepto honore luget, atque albetibus
Ramis, stat agrorum perenne opprobrium.*

*O terra, non te prouoco ad luctum leuem.
Sed sponsa qualis, nacta florentem virum,
Ver pulchrum agentem ætatis, in lanugine
Si forte prima amisit, intactum toro,
Frustrata dulci nuptiarum munere,
Omnem illico remittit elegantie
Splendentis ambitum, & nitores aureos,
Vitæq; se se damnat atris sordibus.
Propallæ honore, proq; gemma lucida,
Horroribus sacci asperis obnubila.
Sic te esse mæstam, sic inornatam decet,
Sic vsque atratam sacci ad aspritudinem.*

*Lux illa sacrorum, illa maiestas domus,
Quam tu apparatam struxeris Deo tuo,
Celebritatis pristinam omnem gloriam
Deperdidit, transcripta vastitudini.
Non victimarum diues ampla opulentia,
Non februis libationum præmiis.
Flet mæsta turba, Deo sacerdotes sacri,
Deuota cælo pectore, electum genus.
Læssumq; lugubrem integrant, fracti malis.
Quâcunque, quantacunque sparsis finibus.
Porrecta pandit regio latifundia,
Furor per omnem bellicus væsanit,
Nullum rapinis non penetrans angulum.
Atrata lugent arua, crudeli manu
Ad carduos redacta, & herbam inutilem.
Non fruge, non superba tritico annuo.
Non lentipes illis labor amicus boum,
Cultu reponit debitam feraciam.
Mærent sine vlmis, inquilinæ collium,
Motæ locis, genitrices vini inclytæ.
Lenimen illa corporum, mensæ nitor,
Horti medulla, mater vnici vnguinis,
Baccis opima oliua, tota elanguit,
Percussa tristi vulnere, atque incuriis.
Agorum alumni, pubes aruis dedita,
Ob militis metum, impiæ ob sonum tubæ,*

Dissecta

Disiecta, dispalata, vœcordi fuga,
Perisse anatri vsum, perisse feruidas
Messēsq; frumentique lætam copiam,
Penuriam vsque ad hordei vilissimam
Deplorat. Unà vinitorum inops manus,
Planguntq; pugnis pectora, vlulantq; anxie,
Autumnitatem propter vuæ euanidam.
O palmitum fons alme, vitigene ô latex,
Tuos nitores ante limpidissimos,
Nunc turbulentos stare, nunc lentos trahi;
Nullaq; ductos ordinis solertia,
Non miror. Et te ficus, olim pinguibus
Fœcunda ramis, nunc inique torpida,
Vos culta mala nominis granatici,
Vos palmæ amantes ponderum, premi insciæ,
Et quotquot hortus germina arborum educat,
Non miror, esse vos in aritudine,
In squale, in horrore, ætheris ludibrium.
Quàm vestra quippe salus ab humana manu
Dependeat, curæ colentis indiga,
Turbante rerum summa, vitæ perditis
Solatiis, cultore nullo relliquo,
Vestros honores ire pessum par quoque est.

O quæis ministris splendor altaris cluit,
Deuota cælo corda, diuinum genus,
Suprema nunc vos flagitat neccesitas,

*Non visitatis luctibus planctum dare,
Omnes habenas fletuum diffundere,
Toto querellas excitare pectore.
Vos vos reposti in eminentibus locis,
Dei sufetes, præsides rerum omnium,
Præite normam supplicum, exemplar pium,
Propurpura, pro lumine infulæ aureo,
Inpulverem, & sacci secura tegmina
Descendite, inchoate funebres modos,
Humoque dura corpus usque affligite,
Diesq; stratos videar, & nox peruigil.
Nam cura dulcis vestra, vester inclytus
Labor, beata quo stetit domus Dei,
Expulsus, exul, infrequens cecit loco.
Non amplius sacro hostiarum munere,
Non splendida libationum adorea
Insignis, ast silentiis fœdè obrutus.
Secernite austerum diem ieiunio,
Sacrate gratam numini abstinentiam,
Æquè domitricem cibi, æquè criminum.
Cessent labores, feriatus sit dolor,
Interpolatus opere nullo extraneo,
Totus sibi, atque luctui intentissimus.
Vocate populi vulgus omne, omnem tribum,
Vocate populi capita, dios principes,
Columen Senati, honoribus mactos Patres.*

Et

Et quicquid vssiam orbe terræ maximo
Curru citato gentium Sol aspicit,
Adesse facite ad Regiam domini domum,
Domum verendam, quam Deus præsens habet.
Agite, miseriter mugiat promiscuus
Ad astra clamor, audiendus numini.
In antecessum, post futuros inchoans
Vitæ ciulatus, & diei Aba asperum.
Adest, adest, lux destinata cladibus,
Ultrix cruenta, addicta vindictæ Dei,
Impunè cui nemo obuium tollat caput.
Quid illa non vastum dabit? quid non rutum?
Quanto feretur fulmine violentiæ?
Quantis in ins emicabit ignibus?
Rigore sæuo adulta, parcendi immemor.
Heu heu, quàm acerbum proditum est exordium.
Non luce, non sub visibus nostris palàm,
Illa, illa felix, illa rerum multiplex
Opimitas, vberq; pulchrum alimoniæ,
Cessit furoris hostici ad lubricinam?
In partem abusum, parte fœdatum mala?
Altrice porro copia pessumdata,
Mortaliumq; pauperatis commodis,
Languescit vnà maximi domus Dei.
Festiuitalum debitis splendoribus
Orbata, gaudiorum inops solennium,

Lugubribus tota abdita in silentiis.
Non gleba sementi ratam seruat fidem,
Non messis in spem creditas fruges fouet,
Putore sed tetro hausta grana prodigit.
Peny illud æternum, illa conferta horrea,
Cellæq; cumeræq;, intimum ornamentum agri,
Inaniis stant obsitæ atque araneis.
Pars dissipatæ, aut propalam æquatæ solo.
Cessante quippe rure, & almis messibus,
Rectâ inuolat situs quoq; in granaria.
Quid sæcla memorem buccera, & armentas boues?
Quantis in auras seuiunt mugitibus?
Quali boatu pulsa tesqua personant?
Quæ tam lubido diu, rumpendi truces
Gemitus, querellæ inconditæ mistos sono?
Fames, nefanda fames adurget, & improbus
Exercitor venter, suetæ egens dapis.
Defectæ propter pabula, & stabulis pecus,
Caulisq;, cassa mugit ad præsepia.
Et quotquot, herbæ sponte creto munere,
Prati per æquor, sustinent victum vagum,
Fusi, fugati, perciti clade vltima,
Cessere passim pascuis trepidi greges.
Quid restat vltimæ? quæ super spei via?
Non est quod intra terminos patientiæ
Dolor fatiscat, aut silens ictum premat.

Frustra

*Frustra obstinatum nitor in modestiam.
Quin templa cæli voce, voce cælitum
Patrem laceſſo, & obruo clamoribus.
O rex ſupreme, o omnium Princeps ſator,
Hæc adſpicias? vultuq; non moto approbas?
Dum flamma fuſis æſtuans incendiis,
Vorare geſtit dulce ſilvarum decus.
Spelæaq; inter intima auidè perſurit.
Uſtis fauillam ventilans mapalibus,
Nullamq; non igne inuolans ſtirpem arborum.
Peruaſit ardor, uſq; terræ in abditos
Specus, fenarum inhoſpita ad cubilia.
Incitur illicet animans omne excitum
Feruiore diro, vaſta perſultat ſola,
Raptatq; modò fugam huc, modò illuc ancipem,
Aut nare hiulca, quærit auris libens,
Ad te ſupinans aridam faucem ſiti.
Exuſta quali, æthere anni feruido,
Hiante tellus quærit imbrem viſcere.
Siccant cheu ignis ipſas fontium
Venas perennes, ipſa fluminum vada.
Omnis venuſtas, omne pulchritudinis
Specimen ſuperbum, ſponte quod mitis parens
Natum, fundit ſolitariis locis,
Hauſtum, voratum peſſimo æſtu concidit.
Quis æneator nunc citus tubam rapit?*

Atque

Atq; arce de Sionis horrendum intonat ?
Signum duelli, nuntium infandi mali ?
Ite, entheis bachate circum excursibus,
Ululumq; sancto monte ferulem edite.
Percellat arua clamor, omnes incolæ,
Omnes remotis quotquot hærent finibus,
Terrarum alumni, ferrei sæcli genus,
Oestro pavoris misceantur feruido.
Turbasq; conflent, mentibusq; aspris fremant.
Adest, adest, nec longa distinet mora,
Adest citatis ultionis cladibus,
Dies cruenta, addicta vindictæ Dei,
Dies tenebris inuoluta immitibus,
Caliginosæ noctis umbris obsita,
Nigrans procellis, cæca fœdis nubibus,
Lateq; terrifici creatrix turbinis.
Quò cuncta vernat, cuncta confestim opprimat,
Ictuq; pænè inuoluat urens unico.
Qualis recentem quùm mari flammam ciet
Aurora, celsos montium se in vertices
Impignat vibrat, pænè momento omnibus
Inuicta solis tela spargens angulis,
Nullumq; non volucris locum face inuolans.
Eheu minacis quanta vis exerciti,
Numeri incapax, virtute militum eminens,
Flagrans superbo ardore fortitudinis,

Crudele

Crudele figit huic agro vestigium.
Telluris ex quo cæpit habitari hoc solum,
Antiquitatis ultima ex origine,
Nemo hostis huic parem intulit ferociam.
Nec inferet post, sæculo altero, & altero.
Quàm vultus atrox? quanta frontium acritas?
Quâ flexit ora, quâ viam rapere institit,
Nimbi antecedunt ignium vomacium,
Agmenq; claudunt ponè flammaram globi,
Procul vomentes, fumidam fuliginem,
Æstuq; nuda cuncta dantes feruido.
O terna, amœnitatum ocelle, ô unici
Orbis medulla, Gratiis selecte flos,
O tempe amorum, ô voluptatum hortule,
Tu nunc beata, nunc nites pulcherrima.
Hostilis ast simul manus te fregerit,
Feres nefandæ damna vastitudinis,
Ibisq; deserti in rigorem luridum.
Et quotquot uber dulce perreptant tuum,
Fuga efferentur impotenti, nec fuga
Clade impeditos, vlla seruabit tamen.
Quid mirer? aut quid horream expauens prius?
Frontisné diritatem, & aspectus truces?
Quales equorum præliis frementium.
An irruentum non ferendos impetus?
Plantasq; planè præditas cursu igneo?

C

Quæis

Quæ's expeditus non eques certaucrit.
Non sic quadrigæ montium insultant iuga,
Saxa increpantes ungulis sonantibus.
Non sic edacis feruidus flammæ furor,
Arentem aceruum quando stipulæ ingurgitat,
Torquet fauillis æstuantem turbinem,
Lateq; sonitu pulsat auras torrido.
Quodcumq; robur esse fortitudinis
Usquam potest, quæcumq; gens bello effera,
Iactat superbam gloriam duelliam.
Hæc una princeps omnium instar est manus.
Tota in cruorem prona, tota vulnerum
Sæua artifex, magistra bellorum aspera,
Parata prænisa cædium ad væsaniam.
Quacumq; diros vertit orbes luminum
Iam vomentes, ferreus passim pauor
Oppressa sternit corda, spes ægræ tremunt,
Uncumq; cum carnifex figit trucem.
Non stare sanguis integer molli in gena,
Sed illatebrans intimos vitæ in sinus,
Fœdata linquit ora nigrore horrido.
Quales caminus, oblitus fuligine
Testas remittit, squalè tinctas fumida.
Heu heu gigantum quanta currunt robora
Frænanda nullis aggerum repagulis,
Spretum quæuistela, quosuis obices,

Tanti

*Tanti irruent, ferroq; iter latè dabunt.
Non murus illos, turriumue vastitas,
Arcebit vlla, machinæue desuper
Imbrem ruentes saxeum tonitru igneo.
Trans ipsa septa, transq; propugnacula
Cursu euolabunt peruicaces arduo.
Viri feroces, sueta bello pectora,
Scientiæ mauortiæ expertissimi,
Locum tueri quisq; pertinax suum,
Nec flectere vsquam de viai tramite,
Non ordines turbare, non gradu excuti,
Non alter alterum tumultu obtundere,
Fratrue fratris premere collisum latus.
Quin ire calle quisq; strenuus suo,
Pedemq; fixa ponere ad vestigia.
Tum quando velox prouocat necessitas,
Procul fenestris præpetem saltum dare,
Cadent volucres, saltibus pernicibus
Crebri petauristæ, ignei salisubfili,
Aurisq; credent corpora, alitum vicem,
Nec corruentes, casus allidet procax,
Luxator artuum, cerebri euerritor,
Quin expediti, & vndecunq; innoxij,
Pulchrè caducum deferent pedem solo.
Quæ porta fractis non patefcet vctibus?
Quis urbis angulus, ruentum ab impetu*

C ij

Recedet

Recedet immunis? palam, palam, agmine,
Densi, frementes, rapere pertendent viam,
Urbiq; victæ, lata inundabunt fora.
Pars emicabunt mœnibus celsissimis,
Murosq; persultare ouantes gestient.
Pars in domorum aprica scandent culmina,
Tectisq; sublimes amabunt conspici.
Nec sat, per amplas, limine emotas fores,
Penetrare dabitur, ad rapinas ædium.
Nî, quâ vocauit ardor audendi impotens,
Ipsas fenestras moliantur scansiles,
Aditusq; captent auios, nisu improbo,
Furum æmuli, rapace dextrâ auidiissimi.

Nec te quietam, pondere æterno sitam,
O magna tellus, alma nutrix omnium,
Nec te licebit sede tranquilla frui.
Simul, nefanda luce, fulserit tibi
Hostilis oculus, heu miscella, non feres
Nec te tenebis mole fundatam tua,
Sed contremisces artubus penitissimis,
Lateq; quassa cuncta sternes dissipans,
Conata dorsum pessimis subducere.
Nec vos, corusca regna, sedes astricæ,
Beata cæli maximi palatia,
Quæ, pulcher ordo, cursibus rotat vagis,
Nec vos, choreæ semper inclytum decus

Iuuabit,

*Iuuabit, aut libebit instare hunc gradum.
Loco moueri vos tuor vestro quoque,
Frigoribusq; concuti vastissimis,
Orbesq; concurrere lapsos perperam.
Tuq;, o diurni muneris fons auree,
Mundi oculus, radiorum perennium sator,
Thesaurus vnicus corusci luminis,
Sol alme, tu lugebis atrata gena,
Vultusq; merges in tenebras horridos.
Tecumq; consors ipsa mæstior tua,
Fax noctium, iubar secundum cælicum,
Splendore destituta munifico tuo,
Quassabit incassum rubentem lampada,
Feriale nigrans, nocte tota condita.
Quin picta stellis, prata cæli florida,
Mœrore opaca, subtrahent ignes suos,
Poliq; peplum deferent, luctu obsitum.*

*Non ante, ferri se tamen stringet rigor,
Ius, fasq; donec iusta clarigatio
Testata, promulgarit, atq; edixerit,
Qua lege læsi numinis flectant minas,
Quo more pollutos honores sarciant.
En Imperator ipse rerum maximus,
Cui omne robur, omne sæclum militat,
Structos priusquam iubeat ire exercitus,
In hosticoq; ponat ultricem manum,*

Vocem ante mittit fecialem nuntiam,
Iniuriasq; iure repetitum venit.
Ut parte se quoq; hac probet iustissimum,
Pollentiamq; dexteræ ostendat suæ.
Non, nescios, monitisq; non coërcitos,
Se fraude velle improvida conuoluere.
Palam, palam olli virium stat copia,
Nec vna castra, militisue unum genus,
Sed gentium pœnè omnium electissimi,
Superfluam euocati ad exsuperantiam,
Late, statua collocantes omnibus
Campisq;, regionumq; nullo non solo,
Queis acrius nihil, nihil ferocius,
Duraciusq; audacibus periculis,
Aut iussa sacra promptius capeffere,
Ausuq; strenuo imperata persequi.
Ut valsa signa, vt cædium licentia
Permissa, clangorem tubarum exaudiit,
Diesq; dictus ultionis ultimæ est.
Nil hoc cruentum, nil magè enorme, aut ferox,
Spectabit orbis obrutus formidine.
Nec stare contra impunè, nec pertendere
Cuiquam licebit, poscere aut veniæ modum,
Usq; obseratis auribus clementiæ.
Nunc nunc, benigna, mitibus se induciis,
Indulget homi, nunc Patratu optimus

Pater

Pater ipse, criminum ultor olim acerrimus,
Poscit receptum transfugæ mentis sibi,
Pacisq; blanda lege condicit fidem.
En sponte amica voce deuos ciet.
Quò, quò scelesti pergitis? quò vos pedes
Ducunt prophani, vultibus nostris procul?
Reuocate cursus impios, retro date
Fugitiua vela, flectite ad portus meos,
Reddibete cordis debitam sedem mihi,
Sed integram, sed candidam, puram, putam,
Omni carentem labis adnexa nota,
Plenamq; , concessamq; mihi medullitus.
Nil subdolum, nil namq; fictum admittimus.
Duxq; adsit vnà, pressa continentia,
Succincta non procacibus ieiuniis.
Adsitq; luctus, ipse damnator sui,
Commissa tergens lachrymis fidelibus.
Totoq; planctus surgat ingens æthere.
Non vestium lacerator ille, astringens cordium,
Dolore findens intimos mentis sinus.
Auditis? an surda arcet obstinatio?
Adeste, adeste, vertite indignam fugam,
Redite verna turba pristinum ad larem,
Reddibete vos hero fugaces seruuli.
Non cum hoste vobis, non tyranno cum aspero
Res est futurum, Dominus ipse vester est,

luctus

Deusq;

Deusq; vester, omnium optimus sator.
Patens ad omnem gratiæ indulgentiam,
Vel ipsa vota promptus anteuertere.
Dans cuiq; pectus obuium, obuios sinus,
Uber benignum, matris almæ viscera,
Fessiq; , pœnè condolens sensu pari.
Non nare acerba, lentus iras voluere,
Differre non asper, opulens clementiis,
Miserationum planè inexhaustum penu.
Iam iam flagellum comminatus, & mala
Intenta vibrans, mox remissus & fauens.
Parcus nocendi, supplices facilis pati,
Ab ultione dimoueri flexilis.
Hæretis insulsi? vllaue dubitatio
Retentat usque criminum mentem ream?
Speiq; pulchræ liberis cludit vias?
Infestus esse quis sibi tantum potest?
Benignitate vt se abdicet Dei sui?
Dirisq; vitam destinet perennibus?
Numenq; fingat prorsus intractabile?
Hoc discere, hoc cum mage est capeffere.
Sceleribus aduersum Deum, virtutibus
Solere placari, & redire in gratiam.
Feros domare, cernuis ignoscere.
Nec stirpitus conuellere de cornu inclyta.
Quin linquere benedictionum reliquias.

Ut, quā me arit prospero vestigio,
Sepulta surgant sacra, surgant germina
Diuorum honorum, munus & libaminis,
Deo dicandi perpetim libaminis.

Eia intonetur æneæ sonus tubæ,
Signum seuerum, publici carmen mali.
Sint feriata sæcla ritu sobrio,
Semota mensis pinguibus, cultu aspera,
Am sancta fruge dapilis ieiunij.
Vocate cœtus, & susfetes cœtum,
Adsint gregatim densa popli examina,
Plebs undiquaq; confluens, immiscua.
Adsit corona concionum nobilis,
Ciues disertis, concilij electum decus.
Vosq; , ô verenda capita, grandæui senes,
Et paruulorum currat alma ætatula.
Et quotquot vsq; lacteam nefrenduli
Mulgent opem, tenelli alumni infantia,
Nutricum habendi vagiant in dexteris.
Necte, recenti matre mentem gaudio,
Par est leporum blanda dona carpere,
Lente impeditum dulcibus complexibus.
Linque, ô beate sponse, felicem torum.
Tuq; , ô voluptas unica, thalami iubar,
Iucunda sponsa, linque secessus tuos.
Age, ocys te elimina, viam rape,

D

Matrumq;

Matrumq; te te cæteros adde in greges,
Quæ tum vacabit plañtibus sedes feris?
Non ipsa, inaccesa ante mæsto luctui,
Delubru, læta numinis præsentia,
Defendet à squallore, sanctitas vetus.
O area, ô statio ministrorum Dei,
A fronte templi, altare quæ discriminas,
Solis sacerdotum frequentata pedibus,
Pulsanda quantis fletibus remugies?
Dum mæror in te fræna diffundet sua.
Flebunt sacrorum præstites, diu genus,
Viri verentes numinis, mystæ pij,
Atque ora guttis proluent calentibus.
Ibitq; mussans murmur, anxie ingemens.
O parce, parce, dulcis ô quondam pater,
Tuo popello parce, parce vernulis.
Ne dede turpitudini, aut opprobrio,
Heredium tuum, tuam sortem unicam.
Ne perduelles, Barbari impurissimi,
Manu tyranna fæditer tuos premant,
Tuiq; honores vellicentur indidem.
Procaxq; lingua, sumat aptam copiam
Mali veneni, teq; per nos vulneret.
Quis sospitator noster ille tu Deus,
Impune carpens, teq; lancinans palam.
Nec supplices fuere frustra, nec mori,

Exarsit

Exarsit ingens ossibus Dei dolor.
Inq; non ferente contumeliam
Commotus, haut tulit suum lædi decus.
Ipsamq; tellurem super miseritus est.
Mentemq; suscepit quietam erga suos.
Multumq; de rigore dempsit pristino.
Ultrò benignæ temperans veniæ modum.
Dictisq; amicis lene responsum dedit.
Voce ipse pacata calans populum suum.
En læta vobis rura, lætas frugibus
Reddo nouales, vile & annonæ forum.
Et latè opimis horrea ampla messibus.
En vitis vltimos densa vestit fertiles
Vuis onusta, mustei roris parens,
Medella vitæ, nectar orbis unicum.
Nec pinguis vsquam dèest oliui copia,
Aui refectrix, recreatrix virium.
Stant densa latè arbusta, siluis æmula,
Honore baccarum affatim ornatissima.
His este macti commodis, his præmiis,
Nec amplius manete gentium pudor,
Nec turpitudine iniqua nominis mei.
Et hunc opacæ noctis ex propagine,
Frenetici septemtrionis filium,
Belli procellis effrenatum immitibus,
Tundam, repressum sedibus vestris procul.

D ij

Saltusq;

*Saltusq; in inuios, inhospita in loca,
Pulsum supinabo, accolam inculti soli.
Iacebit umbra, maximi cadaueris,
Protensa longinquo orbe crudis artubus.
Qua sol renatus aureos ortus ciet,
Undamq; lustrat æquoris cognominis,
Hac summa frons, apex nefandi verticis
Voluatur, ora littoris vastissimi.
Ast corporis margo, pedum statumina,
Idem relapsus quâ diem sol occulit,
Sternentur, vsq; marmor ad nouissimum.
Ibitq; cælo fætor affatim arduus,
Tabo eliquatus, pabulum sipedinis.
Ibitq; putredo insepulta, verminans,
Redhostimentum nuncidum superbiæ,
Quâ gesserat se se impotenter, vls modum,
Victoriæ frenare ium respuens.
Nunc pulchra tellus, nunc amica mi sola,
Aruum politum, nunc inertite metu
Vacare mando, mando comptam viuere,
Et lussibus dare otium, & terere diem,
Festisq; lasciuire lautam gaudiis.
Tanti æstimatam, quando te Deus tuus
Ornare quærit, nec laborem defugit,
Magnum laborem, dexteræ pignus suæ,
Quò splendidam, quò te superbam prouebat.*

Prodite

*Prodite lustris, antra cæca linquite,
Meticuloso arcete curam pectore,
Fæcunda pecua, liberum armenti genus,
Quodcunq; nutrire patria hæc amat.
Discessit agris horror, obertas virens
Priscum nitorem reddidit tesquis locis.
Et quæ rigebat gleba, deserti vicem,
Lappisq; , carduoq; latè squallida,
Splendere gaudet, flore picta lucido.
Turgere nami gestiunt gemma noua.
Fructumq; nulla non suum arbor parturit.
Et ficus omnem præstitit dulcedinem,
Et vua totam suauitatem maximam.
At vos nouellaturba, spes domus recens,
Pulli parectati, iuuentæ flosculus,
Sanguen Sionis, asseclæ sapientiæ,
Hoc tempus, hoc est, quo vagam diffundere
Mentem datur, studiisq; lætis prouebi.
Vitulate magno gannientes ludicro,
Vitulate certa numinis præsentia.
Numen voluptas vestra, numen sit lepor,
Et lusus, & venusta subsultatio.
Talem magistrum, disciplinæ præsidem,
Ducem irrepressum, corculum peritiæ,
Vobis redono. Cuius ore limpido,
Fontem bibetis veritatis aureum,*

*Aeterna iuris, atq; legum sagmina.
Hic vos, hic arte finget exactissima,
Quales fuisse constitit, primo satū,
Olim profectos optima ex origine.
Nec vda cæli vena, sudis imbribus,
Rorem feracem, fundere in terræ sinum,
Usquam negabit, mane seu roseo, facem
Aurora, currus ante solis proferet,
Seu condet obscuranda serò lumina,
Et anteuertens, & diem ponè insequens,
Ceū lauta mundi forma primitus fuit.
Iam iam, reposta maximis granariis
Frumenta turgent, personant tunsæ aræ,
Dum munda aristam linquere expetit seges,
Surgunt acerui, adoræ locuples penu.
Gemunt referta præla, vitigenus latex,
Expertus vsque crebra plantæ verbera,
Undare quærit, vuidus largo alueo.
Quæritq; oliui undare blanda opimitas,
Cibi nitella, pingue mensarum decus.
Nil molle, parvus ausibus nil ordior,
Sed virium, pollentis atq; roboris,
Ingens opus, quo nostra se vobis palam
Probet potestas, vsibus vestris data,
Qua compotiui vos supernè præditos.
Valere iam iubete languidam famem,*

Cænisq;

Cœnisq; vos curate pollucibilibus.
Licet venustos agere conuiuas, licet,
Vel ad palati maximam lubentiam,
Cui sola deniq; satias ponat modum.
Tunc ore vestro, sit meum nomen frequens,
Tunc pulchra laudum dona, tunc præconia,
Reponat altis, lingua grata, nubibus,
Quis vester esse noscar & Rex, & Deus,
Ingentium patrator in vos munerum,
Stupore figens corda præstitis bonis.
Hac sit secuta vos tenus confusio,
Hac seruitutis Barbarum contagium.
Deinceps vetabo cum prophanis viuere,
Gentem mihi amicam, segregem populum mihi,
Priuo fruentem libero consortio,
Vel vsque sæcla perpetim ad perennia.
Nec me pigebit præesse vestris cætibus,
Commq; in Israël conspicui meo,
Medium frequenti ciuium comitio.
Nescire nemo vt possit obtutus meos,
Sed scire cuncti me Deum, & Regem suum.
Cui possit alter nemo comparari,
Qui sceptrum postmodo ista nulli cesserim.
Rex ipse, Princeps ipse vester vnicus.
Certum est, in vnum dissipatos cogere,
Certum, exules donare patrio solo,

Nec

Nec perfido amplius iugo sinere opprimi,
Nec inquinari sordibus promiscuis,
Latus hæc purum cum prophanis iungere.
Sincera sed durare sæcla perpetim,
Claudenda nullo fine, nullo termino.
Migrabit ætas ista pridem sæuior,
Pulchrumq; pulchro tempori cedit locum.
Iam ventilari blandientes expetunt
Auræ, & serescit purior cæli dies.
En ipse, flamen, en meam vim maximam,
Depromo, deq; fundo largo flumine,
Cæleste munus, carnis in glebam rudem,
Nil corporum auersatus obscura augmina.
En faxo, proles vestra, vestri liberi,
Maresq; , sexus & minor virgines,
Lymphata nostro corda tacti numine,
Oraculorum dia fundent carmina,
Vatumq; primas sortientur glorias.
At maior ætas, incluti casci senes,
Dum fessa lentus membra distinet sopor,
Mensq; exsoluta liberis pennis volat,
Catas futuri somniorum imagines
Cernent, repanda porta quæ fati patet.
Porro iuuentus, perspicax visu mage,
Palam, sub ipsa luce, promptis sensibus,
Coram intuentur spectra rerum lucida,

Vinos

Vinos colores imminentum euentuum.
Nec te, secunda turba, parta mancupi,
Nec te relinquam munerum exsortem meum.
Vobisq; seruuli, meo de spiritu
Impertiam, vobisq; bellæ ancillulæ,
Mensura herili, copia lautissima.
Cælumq; telluremq; portentum metu
Quassabo. tu percussa terra, gurgitem
Volues cruorum, cædibus tota obruta,
Imberq; te coruscus, ardentum ignium,
Figet supernè, incendiis procul furens.
Fumabis, heu misella, feruore vltimo,
Anhela ructans pectora, in mundi cauum,
Vaporq; te auris, & fauilla differet.
Hic sol, hic almæ lucis auriga aureus,
Atratus ibit horrida ferrugine.
Tu luna, lumen alterum purissimum,
Hæc omni lactea, iubar hoc argenteum,
Cruore tingues, discolor, væpallida.
Tanta antecedent monstra. tandem maximus,
Pollens procellis, turbinum promus minax,
Formido, & horror orbis, horror sæculi,
Ultor supremus, ingruet Domini dies.
Hæc summa rerum, hic hæret altè terminus.
Quem nulla post momenta verterint loco.
Quin constet id, quod stat ratissimum fore.

E

Tunc

Tunc nominis nostri inuocatores pios,
Sacra cælo pectora, electum genus.
Vitæ asserim, fatoq; subtraham aspero.
Ipso Sionis quippe pulchro culmine,
Ipsiq; Solymes inclytis pomæriis,
Salus vigebit, tuta virtutum choro.
Nec cæteros plerosq; non contexero,
Lectû nouo accensos supernumerarios,
Seruare quos mî cura, quos labor fuit.
En fiet illis, fiet vsque lucibus,
Cum præstitutam tempus orbitam teret.
Quo seruitutis compe dem, & crudum iugum,
Demam meis Solymis, meo Iudæ unico,
Reddamq; iura Ciuibus postliminj.
Tum conglobabo gentium mista agmina,
Omnem superbam Barbarûm propaginem,
Ducamq; mecum iure confertos manu.
Quâ plana pandit septa territorij
Vallis Iosaphat, iudicj Campus sacer.
Hic mî tribunal stabit, hic creperum forum,
Hic iusta litis iurgia aduersum reos.
Quænamq; , calculumq; poni mî volam.
Meo popello, hæredio meo super.
Quâ iam proteruè libuit esse iniuriis?
Ut Israëlêm, nostræ patrimonia,
Tam diriter, tam pessimis tunsam modis,

Irent redactum ad ultimas minutias.
Sparsumq; vastis gentibus disploderent.
Cur ausa nostrum pertica aruum carpere?
Dominisq; partem vendicare non suis?
Heu heu, meorum, capita mi charissima,
Vilis fritillus, vana ludit alea.
Impubis ætas, volupe matrum gaudium,
Heu proscidas, nefanda merces, ad lupas,
Iuit, libidinum pudendum præmium.
Heu ebriosus miles, heu gurgis meri,
Tæmeti amore sauciari se expetens,
Florem puëllarum, aureas virgunculas,
Vini propolis obligauit impius.
At tu superba ciuitas Sydonia,
Tu ciuitas Tyri, Palæstinum & solum,
Quodcunq; nostris finibus iungis latus.
Pot'esne quicquam triste, quicquam inhospitum,
Narrare de meis? aperte & conqueri?
T'ibine mecum quiuit intercedere
Offensa quæquam? ires ut vltum iniurias,
Priusq; læsa, redderes noxam parem.
Si te nocendi tanta vexauit sitis,
Impunè ut incursare sperares meis,
Et damna spontè innoxius procudere.
Dicto oc yus, mox mox tibi rependero,
Iusta libella, talionem asserrimum,

E ij

Tuumq;

Tuumq; cornibus tuis fringam caput.
Auri talenta, diuitem gazam meam,
Perfecta gemmis vasa, signis aspera,
Et quicquid argenti extulit domus mea,
Mala abstulistis fraude, raptu pessimo.
Ipsosq; honores, quæis serenari meam
Ego professus mentem, & expleri solens,
Et quicquid in rebus meis pulcherrimi,
Demptum mihi, obscænas Deum vestrum in domos,
Fædè intulistis, & sacristis perperam.
Gnatos Iudæ, nobilissima corpora,
Gnatosq; Solymes, liberum semper genus,
Quæstistis aucupio plagj iniustissimo.
Proculq; venundastis oram in Græciam,
Trans vasta terræ spatia, trans magnum mare,
Ne spes misellis ulla, perpetim foret,
Dulcem videndi patriam, & patrum domos.
Non sic abibit, non. sed obuersum malum
Torquere certum est vestra contra pectora.
En, quæis in oris, institores improbi,
Mercatu iniquo, conuolantes ad lucra,
Distraxistis incolas meos, germen meum.
Inde excitos, seruaq; raptos compede,
Mibi reducam, & libera asseram manu.
Ruet retorta vestra retributio
Vestrum in caput, frangatq; vos iustam vicem.

Vestrum

Vestrum propagmen impium, sobolem notham,
Natosq; iunicumq; leta corpora,
Dedam sub hastam, filiis Iudæ in manum.
Passimq; vos, vilis precj, mercem malam,
Vendent, reuendent, vsq; ad ipsos vltimos
Orbis Sabæos, dissitam gentem procul.
Non est Dei, mutare, quod ratum semel
Enuntiarit ore constantissimo.
Percellat aurem gentium clamor minax:
Volent frequentes nuntij, voces fremant,
Pandantur alta claustra, bellorum viæ,
Arma, arma, conclamate, stent iusti dies,
Vexilla pinnis ventilentur arcium,
Deuota ferri sæuiat licentia,
Nil sanctius sit cæde, nil antiquius,
Scandant feroces trossuli, scandant equum
Instrata dorsa, tecti ferri fornice.
Ruant phalanges, quiq; robustissimi,
Quacunq; terræ parte, quocunq; themate,
Dent magna, bello consecranda nomina.
Gemant refectis officinæ incudibus
Nil tela præter, præter armorum struem,
Festinet expedita fabrilis manus.
Vel ipsa aratru, ruris apta muniis,
Bellorum in vsus asperos refingite.
Eat rigorem in ensium dens vomeris.

*Eantq; dum sarcula, & scaber ligo.
In gessa tela, in longi umbres lanceas.
Vel efferrari nunc liceat inertibus,
Gnauamq; sese iactet ima imbellia.
Dicantq; segnes, fortium nos æmuli,
Victoriarum conditi ad palmarium.
Ite, omnibus mundi plagis, omni loco,
Mouete signa, conuolate, erumpite.
Cogite vires maximas exerciti.
Densi manipuli ferueant cohortium.
Hic campus, hic est, hæc duellica area,
Tinguenda vestro sanguine, hic latè dabo
Stratum omne vestrum robur, afflictum solo,
Humumq; mordere faciam audacissimos.
Non hoc sedendi tempus, aut lentæ moræ.
Properate magno sistier vadimonio,
Omnis propages, gentium sæcla omnia,
Vallem in Iosaphat, iudicij Campum sacrum,
Quo dicta vobis est dies seuerrima.
Hac sede Iudex, orbis omnes incolas,
Coram euocatos, litigantes audiam,
Cernamq; prolatu ultimæ sententiæ.
Adultæ aristis iam seges falcem vocat,
Ite & frequentes, dum messorum agmina,
Telluris hanc densam comam, satum arduum,
Sub cultri acumen profecantes mittite.*

Cessare

Cessare nulli libeat ex operis meis,
Vindemiæ celebramus vda tempora.
Iam protulit se plena tandem autumnitas,
Iam vasa vinitorcula vbertim scatent.
Iam præla feruent, iam trapetes æstuant,
Summam potitum copiam excreuit scelus.
Diffusa latè criminum exundant vada.
O plebs, misella, plebs misella, ter, quater.
Non vallis ista, non solum fixum te habet.
Sed cespes Orci, sed vorago perfida,
Campus ruinæ, funerum gurgès vorax.
Iam iam, nec arcet longa terminum mori,
Quùm se arduus mundo inferet Domini dies,
Hac valle sæua, cædium hoc stato loco,
Pœnas luctis, lancinati cruditus.
En sœuit ipse sol tenebris horridus.
En luna, lumen impiatis denegat.
Nox atra stellas distinet, porta ætheris
Oppressa, vultus aureos cæli abstulit.
Rugiet Sionis arce Dominus infremens,
Vocemq; Solymes edet altis turribus.
Vocem, polorum tectæ moturam loco,
Terræq; moturam refractos cardines.
Fatiscet icta tota mundi machina,
Et fluctuabit funditus caduciter.
Vos interim, mei Israël, gens mea,

Fisos

Fisos mihi, secum conteget quies.
Ad me recepti, spe mihi innixi nata,
Degetis immunes, periculis inuij,
Meo refulti tuta corda robore.
Sensuq; dabitur scire compertissimo,
Quod ipse vester Dominus, & vester Deus,
Sionis arce, montium sanctissimi,
Charissimiq; montium mihi omnium,
Diuerto præsens, & meam sedem hîc gero.
Atq; ipsa Solyme, sidus vrbium & iubar,
Apex supremus elegantiae vnicae,
Primos honores sanctitatis auferet,
Splendore maiestatis arduo emincens.
Quam fronte prona, subq; missis fascibus
Urbes adorent, & stupefiant omnium
Lumenq;, reginamq;, latè gentium.
Nemoq; deinceps perduelis perfidus,
Nemo exterus grassator, aut prædo rapax,
Pertendet incestare contactu impio,
Pedemue sanctis ponet impurum viis.
Ventura, nec mutanda quondam sancio.
Quum pulcher ille fulserit mundo dies,
Nouos lepores promet ætas aurea,
Non mella pratis efficax apum labor
Leget minutim, cellulis condens cauis.
Sed montium fœcunda sese viscera,

Passim

91
Passim refundent, nectaris satū oblita,
Roresq; largos proferent dulcedinum.
Passimq; colles lacte manabunt mero.
Olimq; Iudæ regio, fluminum indiga,
Sitim relinquet siccitatis aridam,
Nulloq; non reuoluet vndas riuulo.
Ipsoq; Regis maximi palatio,
Prodibit ingens, limpide parens aqua,
Fons largus, amplo se vomens ex alueo,
Spinisq; torrentem procul cognominem
Ditabit, ad Iordanis vsq; littora
Fluctus propagans, irrigator prodigus.
Ægyptus, hæc Ægyptus, aruum perfidum,
Hostilis omi, nunc tumens successibus,
Inculta, desolata, contemptissima,
Iacebis, olim, turpe spectrum cladium.
Et vos Idumes regna, latronum domus,
Fruudum officina, ergastulum doli mali,
Et vos nefanda damna deserti manent.
Sic vasta, sic fœdata squallore ultimo,
Sic inquinata pessimis incuriis,
Cedetis in præuium lucrum, furi improbo.
Palamq; præmiator, & prædo vagus
Vos permeabit, ganniens raptu impio,
Ut nulla deinceps vos satis seruet salus.
Hac scilicet mercede vobis venerit

F

Iniuriarum

*Iniuriarum nullus in Iudam modus.
Factæq; cædes innocentum corporum,
Sanguisq; largè fusus in terræ sinum.
At terra Iudæa, incolas populos suos,
Fovebit æternum, beata & libera,
Habitata semper, culta semper impigrè.
Urbisq; Solymes ampla territoria,
Semper vigeant ciuium frequentia,
Hac stirpe gentis, hac, & altera procul,
Usq; ad perennes gentium prosapias.
Purumq;, mundatumq; sanguinem dabo,
Mundare quem forte hæcenus neglexeram.
Sionq; mons, ocellus iste collium,
Me præside, & rectore me, regnabitur.
Regnabitur vel perpetim, omnes sæculi
Uls terminos, Uls atq; metam temporum.*

Iesu Christo laus & gratia.



